

DAKA PHİRE U LÜYA DİZDE



TİJ

Hamdi özyurt - Memê Koêkorta

Çapê jüyine:
Estemol, Amnana pêyêne 1998
Serraştkerdis:
Xal Çelker
Çapkerdoğ:
Cemal Taş
Filmê Qapağı:
Ersin Basın ve Yayıncılık
Çapkerdis:
Kayhan Matbaası
Girêdais:
Yalçın Mücellit

ISBN 975 - 8277 - 01 - 4

Adresa waştene

TİJ Yayınları
Gümüşpala Mh. Gümüşpala Cd. No: 2
Avcılar/İST.
Tel.: (0212) 593 74 31 Fax: (0212) 591 44 85

(Tij Yayınları, bir
“Güneş Gıda, İnş. Turizm, Basın-Yayın ve Müzik Üretim San. Tic. Ltd. Şti.”
kuruluşudur)

DAKA PİRE U LÜYA DİZDE

(ŞANIKE)

Hamdi özyurt - Memê Koêkorta

Beno nêbeno. Waxtê waxta de, jü phire bena,
jü lüye bena,
jü ki bîzê de phire bena.

Daka phire her roc bîza xo doşena.
Şitê xo ana gîrênena, amên kena, kena binê jü lêy,
ebe tenê kînca pişena têra.

Daka phire rocê êna qayt kena ke şit çino.
Roca bine êna qayt kena ke şit hawo anciya çino.
Daka phire bêna xêge.

Vana:

- No nia nêbeno. Kamo şitê mi tireno?
Ez gereke bîzani.



Rocê daka phire şitê xo ana, rêyna pişena têra,
kena binê lêy. Dariya xo cêna xo dest,
xo pê çêver de dana we.
Qayt kena ke çêver bi ya(ra),
lüye bêveng amê kewte zerê qulînde,
şkiye lê kerd berz u dormê xode kayt kerd ke
kes çino, zaf kêf kerd,
eşqa ra nêzana ke se bikero.



Lüye êna ke, şiti xo serde kero, bışimo.
Daka phire pê çêveri ra vecina, dariye
kena berz ke lüye ro do, lüye remena.
Doçıkê dae têyna kuno dariye ver, beno cîra.



Lüye cêrena ra, êna lêwê daka phire,
cêrena vera, vana:

- Daka pire, daka pire, doçikê mî bîde mî,
heval u hogirê mî şî, ez têyna menda.

Doçikê mî bîde mî ke, ez xorê şori
heval u hogirê xo resi.

Daka phire vana:

- Şo şitê mî biya ke ez doçikê to bîdine to, tî ki
xorê şorê hevalanê xo resê.




Lüye çê phire ra vecina, teknena şona
lêwê bîza kole.

Bîza kole ra vana:

- Bîza kole, bîza kole şit bîde mî, ez şit ben
dan pire, phire doçıkê mî dana mî, ez xorê
şona resena heval u hogirê xo.

Bîza kole vana:

- Şo mîrê velg biya.



Lüye şona lêwê dare. Dare lüye ra
vana:

- Xêra? Tı ama lêwê mı, tı mîra çî wazena?

Lüye vana :

- Darê, darê velg bîde mı. Velg ben dan
bîza kole, bîza kole şit dana mı, şit ben
dan phire, phire doçikê mı dana mı, ez xorê
şona resena heval u hogirê xo.

Dare vana:

- Lüya delale ez zaf têşana, mı ağwe de,
ez velg dana to.



Lüye şona lêwê ini.

Ini ra vana :

- Ini, ini ağwe bide mî, ağwe ben dan dare, dare velg dana mî, velg ben dan bîza kole, bîza kole şit dana mî, şit ben dan phire, phire doğıkê mî dana mî, ez xorê şona resena heval u hogirê xo.

Ini vano:

- Şo çêna paşay biya, wa mî sera bireqesiyo. O waxt ez ağwe dana to.




Lüye şona lêwê çêna paşay.

Çêna paşay ra vana:

- Çêna paşay, çêna paşay, ez hêyranê to,
ez qurbanê to, bê, ini sera bireqesiye ke,
ini ağwe bido mî! Ağwe ben dan dare,
dare velg dana mî, velg ben dan bîza kole,
bîza kole şit dana mî, şit ben dan phire,
phire doçikê mî dana mî, ez xorê şona
resena heval u hogirê xo.

Çêna paşay lüye ra vana:

- Şo mirê posthala biya, ez êna ini sera
reqesina.




Lüye şona lêwê goşkari.

Cira vana:

- Goşkar goşkar, posthalâ bîde mî.
Posthalâ ben dan çêna paşay, çêna
paşay êna ini sera requesina, ini
ağwe dano mî, ağwe ben dan dare,
dare velg dana mî, velg ben dan bîza
kole, bîza kole şit dana mî, şit ben dan phire,
phire doğikê mî dana mî, ez xorê şona resena
heval u hogirê xo.

Goşkar vano:

- Ez zaf vêşana, şo mîrê haka biya ke,
ez posthalâ bîdi to.




Lüye şona lêwê kerge.

Kerge ra vana:

- Waa kerge waa kerge, haka bide mî.
Haka ben dan goşkari, goşkar posthala
dano mî, posthala ben dan çêna paşay,
çêna paşay êna, ini sera requesina,
ini aňwe dano mî, aňwe ben dan dare,
dare velg dana mî, velg ben dan bîza kole,
bîza kole şit dana mî, şit ben dan phire,
phire doçıkê mî dana mî, ez xorê şona
resena heval u hogirê xo.

Kerge vana:

- Şo mîrê qut biya ke, ez ki haka bîdi to!




Lüye şona lêwê ğize.

Ğize ra vana:

-Ğızê ğızê, qut bide mî, qut ben dan kerge.
Kerge haka dana mî, haka ben dan
goşkari, goşkar posthala dano mî,
posthala ben dan çêna paşay,
çêna paşay êna ini sera reqesina,
ini ağıwe dano mî, ağıwe ben dan dare,
dare velg dana mî, velg ben dan bîza kole,
bîza kole şit dana mî, şit ben dan phire,
phire doçikê mî dana mî,
ez xorê şona resena heval u hogirê xo.

Ğize vana:

- Waa lüye, tenê rixe biya qasnaxê
mî suağ ke ke, ez qut bîdi to.



Lüye şona lêwê gay.


Gay ra vana:

- Gao rîndek, gao rîndek, tenê rîxe bîde mî.

Ebe rîxa to ez   ze sua   kena,   ze qut dana mî,
qut ben dan kerge, kerge haka dana mî,
haka ben dan go  kari, go  gar posthala dano mî,
posthala ben dan   na pa  ay,   na pa  ay   na ini
sera requesina, ini a  we dano mî, a  we ben dan dare,
dare velg dana mî, velg ben dan b  za kole,
b  za kole   t dana mî,   t ben dan phire,
phire do  k   mî dana mî,
ez xor   şona resena heval u hogir   xo.

Ga vano:

- So, sepet   simer biya ara mî ke, ez simeri burine
ke, tenê rîxe bikeri.



Lüyê şona lêwê mereke. Mereke ra vana:

- Merekî, mereki, sepetê simer bide mî.

Simeri ben dan gay, ga rîxe keno,

ebe rixa gay ȝize suağ kena, ȝize qut dana mî,

qut ben dan kerge, kerge haka dana mî,

haka ben dan goşkari, goşkar posthala dano mî,

posthala ben dan çêna paşay,

çêna paşay êna ini sera reqesina,

ini ağıwe dano mî, ağıwe ben dan dare,

dare velg dana mî, velg ben dan bîza kole,

bîza kole şit dana mî, şit ben dan phire,

phire doğıkê mî dana mî,

ez xorê şona resena heval u hogirê xo.

Mereke vana:

- Waa lüye, ez nê dîlopa vera helak biya.

Veciye mî ser, tenê wela mî bîdawasne,

mî nê dîlopa ra raxelesne. Ez o taw sepetê
simer dana to.

Lüye loğe cêna, şona serê mereke loğe kena,
ebe línga ki rînd dawasnena.



Lüye ke karê xo qedênenâ, mereke sîmer dana lüye.
Lüye sîmeri bena dana gay.
Ga rixe keno.
Lüye ebe rixa gay ğıze suağ kena.
Ğıze qut dana lüye.
Lüye qut bena dana kerge.
Kerge haka dana lüye.
Lüye haka bena dana goşkari.
Goşkar posthala dano lüye.
Lüye posthala bena dana çêna paşay.
Çêna paşay êna ini sera reqesina.
Ini ağıwe dano lüye.
Lüye ağıwe bena, dare ağıwe dana.
Dare velg dana lüye.
Lüye velgi bena dana bîza kole.
Bîza kole şit dana lüye.
Lüye şiti bena dana daka phire.
Daka phire doçikê lüye dana lüye.
Lüye doçikê xo cena, şona resena heval u hogirê xo.


Lüye zaf kêf kena, resena mîradê xo,
şîma ki biresê mîradê xo.



Hela qaytê karê liiya dizde bê! Na dolime waştena
liiye nêbiye. Doçikê xora biye, canê xo deja, xêlê
waxt heval u hogirê xora visiye.

Na biyene ra tepiya liiye endi zana ke,
dizdiye çiyê de runde nia. Dîzd çıxa ke baqıl beno
bibo, rocê buglatê ano xo ser.

ISBN 975-8277-01-4



9 789758 277018